

Broj: 13/04-45-1-919/21 S.K.

Datum: 14.06.2021. godine

Primljeno: 16-06-2021			
Org. jed.	Broj	Priloga	Vrijednost
05/2	-02-	217	21

BOSNA I HERCEGOVINA
FEDERACIJA BOSNE I HERCEGOVINE
VLADA

Generalni sekretarijat Vlade Federacije BiH
n/p mr.sci. Edita Kalajdžić, sekretar Vlade

PARLAMENT FEDERACIJE
DOM NARODA
n/p mr.sci. Izmir Hadžić, sekretar

PREDMET: Odgovor na delegatsko pitanje, dostavlja se

VEZA: Akt Vlade Federacije BiH broj: 03-04-785-5/21 od 07.06.2021.godine / Akt Parlamenta Federacije, Doma naroda broj: 05/2-02-217/21 od 01.06.2021.godine

U vezi sa delegatskim pitanjem, koje je, između ostalog, upućeno i Poreznoj upravi Federacije Bosne i Hercegovine, a koje je delegat Aner Žuljević postavio na 11. sjednici Doma naroda Parlamenta Federacije Bosne i Hercegovine održanoj 27.05.2021.godine, kojim se od Porezne uprave Federacije BiH traže podaci o broju uposlenih po strukturi plata onih koji primaju ispod 700,00 KM, onih koji primaju ispod 1.000,00 KM i onih koji primaju preko 1.000,00 KM, s obrazloženjem da Porezna uprava svake sedmice objavljuje broj zaposlenih u Federaciji BiH, te se stiče dojam kako se stabilizira tržište rada, dajemo sljedeći odgovor:

Porezna uprava Federacije BiH shodno Zakonu o jedinstvenom sistemu registracije, kontrole i naplate doprinosa („Službene novine Federacije BiH“, broj: 42/09, 109/12, 86/15 i 30/16) vrši obradu, unos, usklađivanje i razmjenu podataka o doprinosima, kontrolu uplate doprinosa i dostavljenih podataka, te davanje informacija obveznicima uplate doprinosa i osiguranim licima. Shodno navedenom Zakonu, Porezna uprava Federacije BiH je inicijalnom migracijom preuzela od nadležnih fondova sva otvorena osiguranja po osnovu radnog odnosa sa stanjem na dan 31.12.2010. godine, a od 01.01.2011. godine prijave osiguranja po osnovu radnog odnosa predaju se u nadležne organizacione jedinice Porezne uprave Federacije BiH.

Poslodavci shodno Zakonu i Pravilniku o podnošenju prijave za upis i promjene upisa u jedinstveni sistem registracije kontrole i naplate doprinosa („Službene novine Federacije BiH“, broj: 73/09, 38/10, 77/10, 9/11, 1/13, 83/14, 1/15, 48/16 i 53/19) dostavljaju prijave osiguranja po osnovu radnog odnosa na obrascu JS 3100-Prijava/promjena/odjava osiguranja, a po isplati plaće i uplati doprinosa i poreza na dohadak dostavljaju obrazac MIP-1023-Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne

djelatnosti, plaćenim doprinosima i akontaciji poreza na dohodak ili obrazac PMIP-1024-Pojedinačni mjesečni izvještaj o isplaćenim plaćama, obračunatim i uplaćenim doprinosima i porezu na dohodak od nesamostalne djelatnosti (koji čine sastavni dio Pravilnika o primjeni Zakona o porezu na dohodak („Službene novine Federacije BiH“, broj: 67/08, 4/10, 86/10, 10/11, 53/11, 20/12, 27/13, 71/13, 90/13, 45/14, 52/16, 59/16, 38/17, 3/18, 30/18 i 21/20)), a koji se po Zakonu o jedinstvenom sistemu registracije, kontrole i naplate doprinosa smatraju kao mjesečne prijave o doprinosima.

Po obrađenim obrascima i kontroli uplaćenih doprinosa za svakog zaposlenika Porezna uprava Federacije BiH dostavlja iste nadležnim fondovima (Federalni zavod za PIO/MIO, Zavod zdravstvenog osiguranja i reosiguranja Federacije BiH i Federalni zavod za zapošljavanje) po osnovu kojih zaposlenici mogu da ostvaruju prava iz penzijskog i invalidskog osiguranja, zdravstvenog osiguranja i prava na osnovu osiguranja u slučaju nezaposlenosti.

Porezna uprava je do pandemije COVID-19 na svojoj web stranici mjesečno objavljivala podatke o broju zaposlenih prema prebivalištu, a sa pojavom pandemije, zbog interesovanja javnosti je počela objavljivati podatke o broju zaposlenih prema prebivalištu i prema sjedištu poslodavca svake sedmice.

Obzirom da u delegatskom pitanju nije navedeno za koji se mjesec traže podaci po skalama primanja zaposlenika u nastavku su podaci za prva tri mjeseca 2020. i 2021. godine. Poslodavci shodno zakonskim propisima su dužni nadležnoj poreznoj ispostavi dostavljati podatke o isplaćenim plaćama, uplaćenim doprinosima i porezu na dohodak po mjesecima na obrascu MIP-1023 ili PMIP-1024.

Kako doprinosi za plaćanje dospjevaju do kraja tekućeg mjeseca za prethodni mjesec, a obrazac MIP-1023 se predaje do 15 u mjesecu za protekli mjesec, te podaci za mjesec april i maj 2021.godine ne bi prikazali stvarnu sliku dostavljenih i obrađenih obrazaca jer isplata plaće i uplata doprinosa za april dospjeva do 31.05. tekuće godine, a obrazac MIP-1023 se može podnijeti do 15. juna., a isplata plaće i uplata doprinosa za maj 2021.godine dospjeva do 30.06.2021. godine.

Na osnovu dostavljenih obrazaca od strane poslodavaca (MIP-1023 i PMIP-1024) u narednom tabelarnom pregledu prikazan je broj zaposlenih kojima su isplaćene plaće po traženim skalama, kako slijedi:

Godina i mjesec	Broj zaposlenih sa ostvarenim prihodom (neto plaća) po skalama		
	> 0 i < 700	>= 700 i < 1000	>=1000
2021-01	195.553	74.074	173.665
2021-02	191.719	75.527	165.802
2021-03	173.406	65.689	164.680